

通父詩存之餘



830838

通父詩存之餘目錄

卷上

雜詩六首

黃土橋弔楊太常

楊白花

寄遠

小別

夏日海上作

江行

金陵送人歸桐城

感事

通父詩存之餘

卷上目錄

贈徐參戎

不得顧秋碧消息

落葉

秋江辭

長相思

陽春行

意舊行寄從兄子秋

橫江行寄楊心農

夢得紫玉條脫喜笑而晤茫然有作

秦鏡辭

美人照鏡歌



美人磨鏡歌

對雪二首

王明經宅雨中探桂

題友人壁

秋懷二首

深巷

伏日作

夏雨

鷄啼曲

得家書

古意

通父詩存之餘

卷上

目錄

宋書小樂府

勺湖感舊二首

雪霽效宋人體六首

車大畫山水歌

寄海州張秀才

寄贛榆許明經

懷王考功欽霖

新城

月夜過黃天蕩

翠微寺

眞州城南作

高明寺

珠湖夜泊

小獵

捕虎行

題畫 四首

園居

官軍捷永州 正首

遂平連山

書吳越世家後

舟中遇鍾吾生得鐵梅先生消息

白下遇趙公子

通父詩存之餘 卷下 目錄

呂明經見訪

王氏園亭

雨後

卷下

班史小樂府 五首

漢宮祠 二篇

彭郎歌

徐園行

暮春

旅夜

淺夏

嵇氏別業

聞河報甚急 二首

海上舊遊 二首

潮河權歌 九首

江上雜詩 五首

江行

靜海寺

白沙洲

西津舟夜

崇川謠

悼鶯

通文詩存之餘 **卷下** 目錄

四

河閒

登雄縣城樓 二首

江亭讌集詩 三首逸其一

將出都門過玉河橋望瓊島口號 二首

平津

阿城謠

夜往南湖

寒夜

過郡城老子祠

西城

出東門行

顧橫波小像

得徐子容少府書卽送其之官浙西二首

梅花長卷

又題一絕

戊戌四月同潘四農湯海秋張亨甫姚梅伯遊小有餘

芳亭子卽席用梅伯韻

尺五小莊

趙北口次亨甫韻

在平逆旅同四農次亨父留別韻時亨父將遊襄漢余

與四農歸江南

苦雨得晴月色清美卽事有作

通文詩卷之餘

卷下 目錄

五

題顧茂才水榭圖

使君來

題大雪防警圖

病仙謠

古怨歌七章

送稼軒之潤州

贈邵黃二子

湖上大雪

宿遷題項王廟

在平雨夜

入右安門晚宿蓮花寺贈稼軒

丁未禮部試院遇湖南張孝廉

道出東阿汪明府送酒肴紀綱扞衛感德懷舊斐然有
作

兗州道中書所見

山何高

堂前燕

拉糧船

題葉觀察橋西老屋圖

庚申九月書感 四首

避地東歸舊宅示諸子姪兼柬親友 六首

通父詩存之餘

卷下目錄

六

通父詩存之餘止

雜詩

行行辭親故。去去黃河曲。風沙卷天地。蕉萃顏如玉。封侯竟未成。寄食不願足。驅車飛蓬轉。投轡落日晚。支離蘇季裘。寂寞王孫飯。人生不得意。何必經隴坂。

免絲何纏綿。上施青松枝。秋風落黃葉。燕婉今何時。聞君將遠行。會面未有期。出門不相送。下堂非所宜。君爲雲中蓬。妾爲園中葵。蓬根終不定。葵心終不移。但令終始固。豈傷年命非。

秋江芙蓉花。珍禽雙紅衣。輕舟一搖蕩。參差背人飛。何意金風改。百卉凋光輝。寒塘雨雪多。垂楊門巷非。

通父詩存之餘

卷上

一

朔風吹烈烈。寒雨迷朝昏。茫茫我所思。寤彼下泉民。朱弦久淪落。白髮日夜新。相送各已散。寒兔守墓門。海水泛大荒。黃河號東奔。高墳有時毀。何況墳中人。念此嘿悽愴。幽恨不可吞。

憤泉動秋沸。冤禽疾夜聲。杞婦一聲淚。萬古無堅城。黃鶴七年別。中宵發哀音。荒山鳳已老。桐花豈復春。我欲竟此曲。此曲傷人心。安得西逝波。馳情慰所親。

游鹿亦有羣。賓鴻亦有侶。况我同根生。豈復分爾汝。驚塵一日飛。散若河洲雨。冉冉長年間。東西無定處。歲暮情更親。歸家不爲身。入市同負米。入山同負薪。紫荊一寸根。終不移此心。

黃土橋弔楊太常

太常蜀人名正經以鼓琴供奉思陵國變後流落淮
南卒葬郡城東之黃土橋詩人過而弔焉

縹衣瓊笠朝乘馬。思陵廟社崩如瓦。孤臣南走竟無家。七十
老僧淚盈把。當時供奉一太常。玉熙春永侍君王。內翰新詞
歌玉樹。宮人舊曲翻霓裳。瑤琴一闕祥光轉。畫省無人宮漏
緩。百子池頭樹影移。萬年枝上鶯囀。無端銅馬勢跳梁。烽
火連年炤建章。鼎湖弓墮龍髯絕。內池流水空茫茫。殘裳破
帽歸何處。鶯花故國江南路。春燈人散孝陵煙。落日猿啼京
口樹。風木餘聲聲正悲。淮南太守淚雙垂。誰憐楚客操南樂。
空遣黎臣歌式微。杜宇聲中歸不得。巴西萬里春江碧。白頭
通文詩存之餘 卷上 二一

楊白花

楊白花春風能吹爾。吹爾作花還作雪。又能吹入深宮裏。深
宮不可居。春風還相欺。慎勿隨風渡江水。渡江化作江上萍。
一去煙波千萬里。

寄遠

錦鱗逝參差。芳音坐消歇。瑤席生夜寒。金樽瀉秋月。故人信

紅顏他鄉憎白髮。何方通夢魂。庶往慰飢渴。

小別

落花與行雲。風前易分道。每歎白日馳。坐送紅顏老。豈料意中人。小別看更好。如何一寸陰。爲君盡懷抱。

夏日海上作

希世生百憂。退畊無二頃。局促棲瀛壖。慙喜塵葦屏。火中磨艸化。溽暑蒸頽景。新蟬向晚急。病葉先秋墮。雨檐疊雙珠。風簾散千影。坐地埽落基。聽泉入野井。心逐歸雲沈。思與陰蟲緊。久齊志已非。用公羊傳語望高引。佳入隔川漢。悵然歌楚

郢

江行

通父詩存之餘

卷上

三

兩岸青山合。長江送白雲。秋風瓦官閣。急浪雪紛紛。老樹團漁舍。平林散馬羣。臨流且孤詠。不爲謝將軍。

金陵送人歸桐城

皖水自然碧。皖山無限青。送君皖伯國。獨上勞勞亭。落日蕪湖雨。歸颿牛渚星。遙知維纜夜。風水帶愁聽。

感事

疏勒西河遶雪山。孤城不鎖白雲閒。金笳有淚秋乘障。鐵騎無聲夜度關。豈有哥舒能死節。可知馬謖竟生還。虜人舊識楊無敵。聞道蕭疏鬢已斑。

贈徐參戎

久隨豹尾幸甘泉。迴首長安日下懸。積雪呼鷹行帳地。春風

盤馬放朝天。閒搜圖史。千金盡老。卧雲山一劍全。誰識天津橋上客。錦裘花帽。舊翩翩。

不得顧秋碧消息

蒼梧山下逢君時。馬前折得楊柳枝。楊柳垂絲渡江去。幾時雪滿南朝路。小姑祠前流水香。君家舊宅近江郎。聞道北游向燕趙。令人卻憶邯鄲侶。

落葉

銀屏秋冷蟲聲歇。空階夜靜聞落葉。騷騷屑屑三兩聲。簾櫳不捲燈微明。初疑細雨灑秋箔。一聲半聲猶落索。春蠶夜食蟹爬沙。枯荷萬柄風吹斜。迴廊曲澗飛更起。宿鳥投林船過葦。轉空墮地輕更輕。軟沙細艸行人行。隴頭孤客聽不得。淮通文詩存之餘。卷上四

南思婦難爲情。枯枝一夕慘蕭爽。瞳瞳曉日當窗上。

秋江辭

秋江之水何洋洋。中有嘉魚鯉與魴。金刀雪蕩蕩如霜。單槩吳船船細長。美人夜游梳薄妝。新月照水雙蛾黃。丹唇徐囀隨風颺。高不過激。低不傷。乃與船勢久低昂。滿身花露侵肌涼。心輸意與樂未央。啼鷄一聲。天宇荒。明星出地波茫茫。

長相思

梨花雪落風淒淒。子規望月傷心噓。錦屏不掩流黃色。紅燈黯黯銀河低。念君千里長相思。玉階淚滴春艸死。年年經雨爲紅泥。春風春風能散水。楊柳不能掃開雙蛾眉。長相思。不知

陽春行

昭陽露泣千花紅。美人顛顛啼春風。繡楹宛轉雙雕籠。香塵白日驕青空。絳樓朱戶煙濛濛。玉皇宴坐色不動。迴風吹墮青芙蓉。帝旁玉女癡且聾。揚眉而笑浮雲中。世間蛾眉垂曼睩。成煙化石難相從。

意舊行寄從兄子秋

與君昔作廣陵客。吳公臺邊艸猶碧。我來不見吹簫人。二十四橋空行跡。扁舟晚動邗江頭。夕陽簫鼓下眞州。白沙亭前月華白。何人吹笛江中流。中流哀怨笛聲起。月下雙行誰家子。迴身向月囀歌喉。一聲咽斷西江水。隔江燈火三五星。似聞臨風吹玉笙。玉笙隱隱入雲去。迴風吹度廣陵城。當時與通文詩存之餘。卷上。五

君舊游路。祇今南望空煙樹。江花江月待游人。明年同向此

中去。

橫江行寄楊心農

歷陽烟樹浮雲裏。橫江波浪勝揚子。迴風吹雨作紅霞。散入金陵半江水。金陵江上一逢君。勞勞亭畔成離羣。東海東來無知己。西江西望空白雲。

夢得紫玉條脫喜笑而晤茫然有作

昔有佳人王厚邱。招我同登蒼梧山頂之高樓。謂我乃是蓬萊之散仙。以醉落職塵寰。幽當時聞言頗心動。十年一覺江南夢。王郎攀龍向天關。我從漢陰學抱甕。大羅往事難具陳。道書寶錄猶在身。仙人與我玉條脫。夢中笑墮巫山雲。黃金

之闕白玉京中間十二樓五城麻姑窈窕向我笑彫胡飯熟
君難醒三年釣魚過東海安期食棗今好在琴溪赤鯉已飛
天陵陽白龍復誰待手持寶劍空遊遨分明記得隍中蕉起
來茫茫對明月珠淚細逐春風飄

秦鏡辭

咸陽宮中五尺鏡照人之形見人性當時照徧後宮人三十
六年無邪心趙高指鹿鹿爲馬白日公然走其下

美人照鏡歌

花間閃閃秋星落九微火滅晨光薄夫容出匣照膽懸桃花
落水驚紅鮮左盤右挽調蘭麝瓊梳細櫛釵梁亞低徊轉側
不自持一笑且試雙蛾眉妝成形影自矜許背人私向奩中

通交詩存之餘

卷上

六

語

美人磨鏡歌

盤龍歲久古落色暮烟一片傷心碧美人妝罷旋旋磨金盃
瀉水生微波初看成規運纖指鞞紋半帶螺紋起機圓手滑
不停聲雙輪碾地音嬌狎長風掃空玉盤吐銀塘爛爛飽秋
雨心閒喘細不敢呵寘之玉臺平不陂紅潮上頰嬌無力起
來欠伸良久立一重磨去一重新可惜今人非昔人妾顏在
鏡尙難保君心非鏡何由明

對雪二首

烹茶不用水煮雪林間煙煙中見茆屋檐際流清泉陰陽一
蒸變佳氣殊蒼然闔苑何足羨吾愛清冷天

小徑竹間門。雙扉如合璧。何人先我來。冉冉見行跡。蒼松壓已垂。獨鶴饑猶立。朗吟秋水篇。清響答檐滴。

王明經宅雨中探桂

濃陰忽墮地。空庭作秋雨。酒醒茶鼎沸。夜深桂花吐。賓主澹無言。一燈照廊廡。雨停稍露月。秋堂靜如許。

題友人壁

晚花開上牆。幽艸喜抱石。小院生秋陰。鳴蟲晝不息。主人出門去。獨鶴中庭立。風出窗上書。鳥入松間室。待君久不歸。徘徊瞻將夕。

秋懷二首

憂人易多淚。秋日易多雨。春禽啼更樂。寒蟲啼更苦。萬感攫

通交詩存之餘

卷上

七

汝心。誰能強笑語。金壺滴漏水。一口不得吐。

白日照天下。乃有迷途人。明明指南車。茫茫毒霧昏。行行得故轍。歸來淚滿巾。室閭更炳燭。悵然懷先民。

深巷

深巷曲復曲。綠楊低更低。春城一夜雨。小市五更泥。向日花爭笑。登樓鶯亂啼。攜箏上小艇。更訪石橋西。

伏日作

書題白練裙。簾卷五花紋。雨滴竹間日。風浮松際雲。閒愁將酒泛。好夢著香薰。底事東方炙。殷勤遺細君。

夏雨

夏雨如繩久。空山坐息機。常閒冠帶少。極賤友朋稀。親老依

兒性家貧典婦衣。清狂沈昭略。幾日減畧圍。

雞啼曲

啼雞未下牆。繁星猶在樹。飯罷無一言。提鞭出門去。

得家書

來使太息。磨滅平安字。得書不及開。先問家中事。

古意

去年生阿侯。學語聲呀呀。憶郎口不言。但教兒呼爺。
歲歲盧龍塞。年年早寄衣。今年不寄去。或得早秋歸。

宋書小樂府

新洲斬龍子。草澤有英雄。他年壞陰室。笑爾葛燈籠。
行軍劉主簿。布袴裂殘裳。不能方丈食。甯解索檳榔。

通文詩存之餘

卷上

八

虜馬飲江水。江州不更生。羣狐傾鎮惡。久已壞長城。
我自哭亡妾。霑襟涕不休。不知豫州伯。何事淚交流。
但可驚羊琇。無端慕魯連。祇應作山賊。未許得生天。
劫竟仍斂子。景文真丈夫。過門忘折屐。應媿後人無。
己自慚康樂。何須鄙謝莊。無令笑汝拙。誰可得卿狂。
大山愛禪悅。小山殊老饕。一從充隱後。何氏有三高。
吾愛王方平。貂裘行採藥。日暮釣魚歸。載入上虞郭。
敬沖殊自得。出入歷三朝。力飲吳興酒。清風爾自高。
江左風流相。翩翩帽幘斜。天生王仲寶。賣卻婦翁家。
甯爲袁粲死。莫作褚淵生。更有二王者。居平不送迎。

勺湖感舊

城頭柳色黛眉勻。檻外湖光鏡面新。捲起水窗風色冷。龍興寺後雨如塵。沙禽刷羽夜深飛。漁火青熒露氣微。一椀瓊漿千尺水。月明風起並船歸。

雪霽效宋人體

曉窗氣象殊。開門果見日。衆山亦欣然。其勢爭欲出。俄看前嶺消。猶悵後峯失。譬如嬌嬈女。纔許半面識。殘妝寫更難。遺之雲林筆。

深鳴絕鳥聲。萬戶靜如睡。白日一晃耀。茆檐驚欲沸。散爲涓涓流。鬱成蒸蒸氣。向晚窺籬落。柴門漏三四。慎勿急銷卻。似得無窮意。

通文詩存之餘

卷上

老僕縛雙筇。掃作沙沙聲。我意如勿掃。留取窗閒明。窮愁眼力在。且可溫殘經。溫經亦細事。免借鄰家燈。

簷冰何參差。玉立森照耀。纍纍珠貫綬。煜煜劍出鞘。墮地響忽碎。老鶴驚一踟。當其爪牙壯。根株等漆膠。積重勢不敗。少待汝莫躁。

我家門戶窄。堆積何崔巍。山僧且不至。安有故人來。晚食更煨芋。教嬾然殘灰。夕陽射空窗。曬我研冰開。天冷詩亦瘦。咄咄吟寒梅。

新晴過三日。堆阜尙迤邐。遠邨行有人。平田沃如水。一雁低夕陽。微茫去不已。夜寒更得月。小樓坐清美。

車大畫山水歌

畫山昂首如欲來北堂怪底誰人開壯士高冠氣踴躍蛾眉
鬆髻身摧積乾坤付與造物手點化頑石皆奇才畫水低頭
如欲去石齒冷冷笑且怒懸崖絕壑高有風卧樹橫槎暗無
路遠澗谷口滙深溪耳可聞聲不知處車君作畫良已奇恨
不見君落筆時想其意得手自隨以手付筆心不知君言我
道進乎技更解彈琴書艸隸琴聲廉正不可昵書如老女饒
委媚天生十指不負君安得把君之書囊君琴卧聽秋山流
泉音

寄海州張秀才

與君暮登觀音峯後湖下瞰馮夷宮羣山如蛇卻西上臺城
一握居掌中九月霜遲氣候暖來船斗轉西南風流霞燒江
通又詩存之餘

卷上

十

鯉魚尾欲落不落天浮紅危磯俯唾三千尺笑聲散與江流
東隔江青山接滁潁苻離大道塵連空歷陽采石望不盡秋
浦水樹青濛濛山根鳥穿入古寺窈窕瘦削非人工怒峯回
人勢欲壓老藤弩出張天弓觚楞突縮各有態似我不平之
心胸君言我昔走西北太行王屋天下雄眼飽少室窺玉女
手攀太華攀芙蓉兩腳萬里足天險看此婉婉如兒童江山
清興忽復往快談在耳聲隆隆殘年風色太豔澹海氣一縷
隨歸鴻蒼梧北望眼欲眯大雪滾滾天無窮

寄贛榆許明經

梁武城頭夜吹簫六朝烟水淒涼色蔣王山上月輪秋兩人
對飲秦淮樓樓頭宛轉吹簫女隔河笑問公何許亦自不言

言不知拍手大唱涼州辭。華鑑迢迢入秋夢。君醉不辭我不送。一聲南鴈過江來。亂颿如葉海西歸。歸來時節又回換。矯首風塵有長歎。壯夫終是出羣人。百辱莫負梨花春。君家祝其城畔住。乃是江南盡頭處。山中酒醒若喚余。落月半挂清淮樹。

懷王考功 欽霖

令節偏懷友。花時獨凭欄。春愁連上巳。細雨夢長安。郎署浮沈易。雲龍角逐難。買山空有約。悵望好巖巒。

新城

維舟今幾度。來往此鄉偏。風退歸槽水。燈明入鴨船。黃花官驛雨。紅袖柁樓烟。欲采芳洲杜。夜深聞斂舷。

通父詩存之餘 卷上

十一

月夜過黃天蕩

戰地餘蕭瑟。崩波動窅冥。大江秋月白。一櫂亂山青。沙鳥愁邊喚。漁榔空外聽。滔滔洗塵劫。風露幾人醒。

翠微寺

入寺疑無地。登峯別有天。雲中開楚邑。樹杪下吳船。路並丹陽直。山包白下圓。孝陵黃瓦在。落日隱寒煙。

眞州城南作

竹外茅簷三五家。縣南風物最清華。水禽入戶自呼食。江艸無名齊著花。盪壁波光千疊涌。到門秋影一峯斜。殘陽莫逐征颿去。留取空明照浣沙。

高明寺

紫葛蒼籐覆萬家。紅麝曲折遶林斜。晚鷺來占金隄柳。游女閒簪玉砌花。千里江光涵作雨。一宮秋水變成霞。風箏殿角琤琮響。似聽聲聲問翠華。

珠湖夜泊

三十六湖生暮潮。柁樓落日聞吹簫。舟人早卧客人語。水禽不動沙禽搖。羣星浮空浪泊泊。老樹立岸風刁刁。青菱紅藕足一醉。夢醒大魚當枕跳。

小獵

沙迴煙銷破早晴。弓刀結束試身輕。鷹翻狡兔看猶轉。箭掠寒雲去有聲。百戰葱河仍入塞。二年雪嶺未歸兵。故人無復班超在。西望秦關百感生。

通父詩存之餘

卷上

十一

捕虎行

蘭陵人爲余言捕虎之法。每天大雪迹之。至一穴洞。然一人持鐙屏息入。見虎手鐙於地。虎注眠蹲不動。逡巡出後數人。束葦急塞其穴。最後砲巨石壓之。縱火。火熾虎嘯。暴室中山谷響震。須臾闕絕。然方持燈時。或聞人聲若燈光。少搖動者。虎卽突出。人爲糞粉矣。戲爲俳體咏歌其事。

南山一夜雪如簔。老虎忍饑蔽茆坐。山深雲暗虎無聲。一道蹠痕紛斗大。健兒八九走欲僵。終朝尋虎如尋羊。驀坡注礮。糝不得。一穴洞山黥然黑。操心練膽而色枯。數人坐守一人入。燈光炯炯行不疑。兩手束如枯樹枝。此時洞口卽虎口。人

命在燈燈在手。以身試虎虎氣騰。虎心在人眼在燈。虎眼燈光兩照耀。人虎一室靜相弔。卓燈寘地雙手輕。虎風逼燈燈不明。迴身背燈色如土。密葉乾薪下如雨。火炎石裂虎身縮。尺寸盤拏聚頭足。一聲咆哮四山搖。十萬峯巒碎相觸。共言射虎飛將軍。此事今聞古未聞。除殘伏暴有長策。嗟爾深山痛哭人。

題畫四首

不雲而雷天有風。蒼髯翠鬣浩呼洶。有鳥毛鷲羽骨豐。英眉怒目頭如峯。凜然一瞥垂檐虹。不擊不搏氣填膺。惟鸞有采鷺有容。汝鳥猛摯宜折衝。霜枯秋冷窮山窮。白日荒荒江流東。何由送汝摩蒼穹。

通文詩存之餘

卷上

三

荒灣煜煜波明沙。白蕩迎涼齊著花。微風鱗起略杓斜。仿佛野岸江南家。風標公子靜如玉。翹足晴沙意態熟。蘆花漫漫魚天晚。悄立意與秋江遠。擬畧答筇坐船梢。一尺銀鱸供晚飯。

新鞞抽黃楓葉丹。霜天洗出青銅盤。樓閣無風日影晃。天面平拖鴿鈴響。手拋紅粒一千珠。翻身卻下聲呱呱。芳巢小戶香泥塗。階平經曲行相呼。主人畜汝如畜奴。紅絲繫足爲傳書。古來知塗有老馬。低頭局促鹽車下。

石骨聳牙蘚斑大。脩竹參天一兩個。十日鍵戶人不過。獨鶴行來落階破。主人忍饑鶴不餓。料理鶴糧手自簸。新綠茸茸不可唾。梳翎好對斜陽卧。那有高軒容汝坐。

園居

小築疑充隱。高吟豈噉名。林深晴更滑。水近午猶清。野港喧
諸派。秋蟬並一聲。翻愁葛衣冷。閒澹過三更。

官軍捷永州

嵐烟毒霧鎖青紅。窮寇魚游掌握中。張寶諸兄持左道。李波
小妹有英風。辰溪地假羣蠻險。洞曲天成一將功。插羽流星
宣露布。元戎迴轡越江東。

遂平連山

湘江水急下天兵。墮地妖星壓賊營。七縱攻心降孟獲。一門
泥首赦張嬰。蠻溪雨漲傳烽靜。獠洞春深戰壘平。見說兒童

新向化。萬山深處讀書聲。

時設
獠學

通父詩存之餘

卷上

十四

書吳越世家後

錦樹山頭樂事多。三千犀弩射江波。四朝忠順涼張駿。半壁
英雄漢趙陀。客醉堂前高士去。花開陌上鈿車過。生平祇愧
羅昭諫。飲馬何曾到汴河。

舟中遇鍾吾生得鐵梅先生消息

停舟薄暮天。語罷各悽然。柳暗人歸郭。江鳴雨到船。因言浮
海客。已扣入吳舷。舊業不歸隱。巢湖何處邊。

白下晤趙公子

秋風十七年。分手路三千。彭蠡書隨鴈。西江浪遶天。親衰緣
宦苦。身退喜家全。今日秦淮柳。烟絲共惘然。

呂明經見訪

呂生天下士。浩蕩入吳來。不受賢王拜。獨登江上臺。秋期同
夜雨。官韻困奇才。家住九華下。年年掃綠苔。

王氏園亭

修廊度危橋。細艸鬱相接。時見橋下人。交箒埽風葉。

雨後

花閒瀝餘滴。林表生明星。蟲聲浮暖意。我欲行中庭。

通父詩存之餘

卷上

五

通父詩存之餘

班史小樂府

西宮衛尉女兒語長者行酒到臨汝大罵程李不值錢四座公卿色如土當時田竇分榮枯引繩批根惟有夫吳楚七軍尚退舍武安何足當一罵東朝廷辨柰夫何汲黯而外轅駒多

朝采樵暮采樵謂君無誣君誣愈急聲逾高我年五十當富貴始妄言之等兒戲十年金印肘後懸驚倒長安上計吏妻原可媿夫良鄙前日洛陽蘇季子伯通庶下彼何人壯夫勿作朱買臣

談經連折充宗角請劍又奪安昌魄攀檻大呼檻格格佞臣通父詩存之餘

卷下

幸臣膽雙落將軍上殿冠履錯帝曰此檻勿更作因而輯之以旌直臣舊檻未舊新都新太傅方賜肥牛亭

叔孫生真聖人手操綿蕪千時君魯兩生不肯行禮樂百年而後興叔孫大笑若真鄙不知時變乃如此乃公亦是秦博士兩生聞之笑不休儒冠著溺使人愁

弄兒笑手擁上項求上抱弄兒啼公何怒目吾兒爲兒有罪臣敢隱隱之固非殺亦忍豈知不忍坐覆宗博陸侯殊恩恩吁嗟武皇真知人此胡腹中惟赤心君不見漁陽塵

漢宮詞三篇

閨門起化神靈是統炎并燿光由來漸矣載觀班史火德之衰肇於祗席備諸諷詠其爲監戒抑有補焉

時癸巳三月

悲桐栢栢亭邊風蕭颯小棺三尺無人收萬姓淒涼淚霑臆當時金屋嬌於花主謳本出平陽家三月三日灞橋水千乘萬騎連雲起衆中一顧已承恩翠輦迢迢入宮裏正值阿嬌嬌妒時芳心那得寵顏知已分編名歸代籍還從灑涕識皇慈雲窗夜感蛟龍夢祝祿豔說君恩重眼看青宮長養成常思貴主殷勤送可憐光采生門戶可憐姊弟皆茆土外家氣燄足薰天絕域經營二十年歎忽英聲飛瀚海蹉跎高家出祁連秋花春雪難長保綠衣更比黃裳好北方佳人舞袖工河間姪女藏鈎巧尚賴前星傍紫宸鷄鳴銅輦夢中聲縱愛定陶能擊鼓還恰子晉善吹笙無端趙虜工狐媚犬臺一通文詩存之餘

卷下

二

見君臣契費忌讒言伊戾心望見宮中巫蠱氣建章殺氣連西闕萬戶千門夜流血投免誰開覆盜門泉鳩一痛天恩絕不聞墳地雪申生仍將廢錮同長門傷心空舍橫陳日便是軒中得幸人牛車一乘城南路冷烟殘月葬香處朝朝野燕下銜泥夜夜霜烏啼繞樹天旋地轉難具陳中興景運屬會孫爲憐遺體動深喟冢地重開禮數異玉柙黃腸腐化多千人聚上看流涕可憐堯母亦酸辛雲陽秋草迷孤墳聞道傾城仍配食至今人恨霍將軍

右悲桐栢

嗚乎辭輦賢妃不可得玉階華殿無行跡三千粉黛色如灰一雙嬌燕衝風入天生尤物那能死隄下收歸司徒子龍繫

兆禍已千年又見人間歌啄矢歌啄矢悲皇孫如花從此稀
承恩夕看窮袴重重禩朝驗丹砂的的痕牛官有女會當夕
明珠墮地桃花色未聞紅錦繡縹成已見綠梯方底出東交
掖門呀然開黃門夜半詔書來可憐一寸中丞印斷送君恩
去不回迴身掩淚看流涕我兒正類元皇帝獸鑲魚鑰閉復
閉多少龍種此中棄今年曹偉能明年許美人汝曹死耳休
吞聲大家尙畏昭儀嗔忽驚書漏停宮箭橋山獨去無人見
只有班姬黯自傷曾將德象奉君王總惟歌吹延陵路哭送
宮車淚數行

右掖門怨

君不見長壽宮崩垣積瓦來悲風當時玉殿赫宏敞祇今篡
通父詩存之餘

卷下

三

食虛堂空空堂篡食爲誰有長信宮中泣文母憶從丙殿初
承恩玉雪佳兒字太孫龍顏在抱驩先帝象服宜家配至尊
沙麓門風奇女氣九侯五將軒天地曲旃廣廈武安家洞房
阿闥樊重第安陽謹慎曲陽奢元卿弱息尤加意正值炎精
積百六仲壬外丙天年蹙四海謳歌陳氏鍾滿朝指使秦庭
鹿虎唇鴟目久睢盱猶道忠勤蓋代無桑落逢人誇阿嬌梁
王曲意媚諸姑脂田粉碓酬君孺白璧黃金送呂須太阿倒
授他人手抱器猶同挈瓶守大罵豺聲呼役夫汝曹行誼同
豬狗符命紛紛銅壁文闕宮松栢又更新移來甲帳無人問
拆到金人有淚痕鐵鳳銅烏飄又飄金鋪玉檻艸蕭蕭便殿
淒涼雕几卧寶衣狼籍守祧逃眼看千官趨執豆旋驚玉座

鼙鼙門一笈麥粥莫何人宮樹蒼黃斜日瘦烹麈炮鳳那能
嘗六宮鳴咽天顏傷上蘭秋冷龍煤老蘭館春深豹尾涼長
御相看頭總白滄桑坐話銀鐙夕何處昭臺鎖寂寥幾家團
扇辭恩澤社飯年年贖老身黃羊臘酒伴淒清重來甲館悲
銅輦怕向西風望渭陵建章柳綠前朝色長樂鐘沈異代聲
小年安定尤嗟怨兩朝姑婦時相見阿翁甘聽鳳求皇妾身
忍作離弦箭淨土一杯何處尋斜陽暮景同悲戀地下相逢
呂娥姁等作司晨何其愚祇餘誅筆光泉壤一代雄文莽大
夫

右長壽宮

彭郎歌

通文詩存之餘

卷下

四

彭郎十六清如鶴手爪尖纖削寒玉見人掩抑似含愁問是
江南舊家族老伯知名朱五經阿翁六法擅通靈青箱世業
譽淪落負郭良田都典卻阿翁時寫青山賣伯氏書堂鎮相
對放學歸來常忍飢淚痕私被鄰生怪明年湖水勢滔天全
家餓死淮濱田隨人悄渡黃河北露宿霜行頭頸縮乞食誰
憐馬氏孫委身便作蕭家僕秃巾小衷偏諸緣見人羞澀那
能前學奉盤匱都未慣乍聞呼喚尙茫然偷臨畫稿愁噴喝
私檢殘書淚不乾主人見怪從容問低何訴出真名姓昨來
過我久沈吟淺立斜窺覺有情云說抱書歸去晚曾從道路
識先生髮髯羊車經半面燈前顛顛渾難辨爲他一語動深
情累人竟夕迴腸斷彭郎彭郎汝勿悲殘灰當有復然時君

不見季公會向朱家賣將軍亦是平陽兒名駒例合遭鞭苦
聽罷淒酸不能語揮涕仍隨去馬塵感激蒼天墮秋雨

徐園行

漣水東流百餘里平泉寂寞荒榛裏衰木千章料隋風斜陽
三尺清冷水殘脂斷粉誰家園朱門舊事我能言灞上名豪
杜穉季臨邛大姓卓王孫西園買爵功名貴東海承家閱閱
尊箭張酒趙時來往公然意氣青雲上杜鄩膏腴百頃多南
陽甲第連街廣厭見紅塵溷市闌老從別院起湖山金絲玉
管朝長合魚鑰龜鋪夜不闕門前騶哄三千客樓上花堆十
八鬢攬環結珮傾當路平生有眼何曾遇我來已是蕭寥天
猿鳥淒涼主人去相逢子弟向豪華幾年小住高陽家吹殘

通父詩存之餘

卷下

五

玉遂三更月啼煞嬌鶯一樹花西風颯颯驚塵夢鼠牙忽搆
爭桑訟縣傳星馳赤捕來官符火速銀鑰送薄俗喧傳灌氏
誅故人那免任安痛斜日蒼黃下馬來朱扉敲徧有人開雕
欄雨濕忘憂館油幕風欹避債臺藥砌從添蒼鼠穴籬花任
取隣姬折插架芸香爛作泥拋梁蝠糞腥于血門鴨欄邊水
一條戲貓庭畔艸蕭蕭何人夜雨燒紅燭何處東風奏玉簫
雲煙過眼成飛絮寒鴉怪鳥啼無盡祇餘半堵粉牆高是儂
少日題詩處白髮朱弦日夜新青山綠野最傷神重來誰識
劉郎在腸斷山陽篴裏人

暮春

費盡榆錢未買春間嘶玉勒碾芳塵梨花辭樹全成雪楊柳

當門似有人。拋徑漸愁紅豆長。隔鄰偏遇曉鶯囀。沈郎瘦絕
江郎恨。並作東風潦倒身。

旅夜

何處柳牽衣。徘徊自不歸。夜棹茶後罷。春鴈雨中飛。欹枕莊
吟改。量罇沈帶非。吾家好煙水。恐沒舊苔磯。

淺夏

淺夏少人事。單居得靜便。蟻遷將雨地。蟲擾欲風天。俗客能
銷日。殘詩不記年。晚來燈下意。低首看龍泉。

嵇氏別業

自少俗客過。重門轉不關。子艱翻累少。嬾健得身閒。晚藥侵
燈煮。春詩帶病刪。何時約禽慶。隨意訪名山。

通父詩存之餘

卷下

六

聞河報甚急

聞說茆良口。驚心瓠子宮。捐金無此日。捧土有諸公。燕雀千
家裏。滄桑一瞬中。天邊雙翼急。何處好西風。

東北蛟龍氣。乾坤蟻蝮心。題書多誤字。望遠不成吟。急報傳
宵柝。迴腸入夜霖。襄勤今不見。圭璧若爲沈。

海上舊游

蘆筍齊時乳雉飛。紫駟小隊試春衣。黑風口暗雲霾合。淡水
洋明島嶼微。夜火一星籠鶴去。午潮三丈射魚歸。樓船橫海
功名薄。曳足空山靜掩扉。

潮河權歌

南潮河水清且乾。北潮河水灣復灣。妾家近在東澳口。郎家

遠在西陬山。

桅尖山高如劍鋸。郎船百尺飽帆檣。東風三日鯽魚出。不放南洋放北洋。

聞說鰕須一丈長。巨魚百丈更難量。鰕甲持歸作橋孔。魚骨持歸作屋梁。

潮去潮來尙有期。如何嫁與弄潮兒。郎情不及郎君子。雌雄相逐莫相離。郎君子生於海中島上無耳目而有運動動則雌雄相逐俗採之以治產難奇效

十日打網九日空。內洋黑浪外洋風。昨來一網三十萬。富兒擲辦作漁翁。

海以渟淤風不流。海船兒女水梳頭。阿儂解作鱗子飯。阿郎來索海龍油。

通父詩存之餘

卷下

七

聞說開洋眉不開。受珠臺是望夫臺。望吳洋邊望不見。金星萬點火潮來。

南北蕭蕭兩葦營。郎船去日蘆芽青。蘆花能飛不過海。蘆管能吹不作聲。

望日占星不計年。大洋東望更無天。郎行儻遇新羅客。音書遞與取鮮船。

江上雜詩

椒裝犯晨陰。登艫曠清眺。微雨散城闌。江山澹相炤。峩峩瓦官閣。驚波互瀟瀑。洲遙隱煙火。灘明見昏罩。霜小蘆花紅。天平雁聲到。餘霞轉驛樓。疏楓出江廟。一與城市遠。始歎煙波如。明發浮玉峯。共躡凌雲嶠。

諸洞頗委蛇。晚景劄登歷。僕尋巖際閣。橫躍雲端壁。枯籐縱
長根。蛇行入山骨。神工構危巢。鐵索半朽積。北風捲江來。森
然吹欲活。老僧解觀客。清泉注狼籍。風爐掃陳芼。露林解新
栗。安得謝塵櫻。永此味禪寂。

下山路轉迂。宛宛度林樾。紅牆隱單椒。金繩湧高闕。秋天肅
羣陰。古佛慘不悅。怒峯肩際落。天光驚一瞥。飛梯接猿狖。金
風動毛髮。高僧去已遙。碑堦蝕年月。宸翰煥天章。諸臣皆
詞傑。我衰尙泥塗。撫事增騷屑。

暝到上方亭。層陰翳秋昊。雨久莓苔漬。石路滑欲倒。奮勇陟
穹顛。江天一飛鳥。沙明巖月遲。地黑金陵小。萬象閉茫昧。意
外想逾好。廟火澹無輝。山僧定疑槁。茲游已清絕。昔夢猶紛
通。父詩存之餘。卷下

八

擾歸船。惺不寐。亂柝喧江表。
未明催挂帆。逆風駕高浪。十里九停橈。分寸不得上。過午氣
候恬。老晴半山放。揚舫馭輕颺。舉酒笑相向。一峯插中流。可
愛不可傍。狂瀾際天地。卓立自清壯。東指儀鑾鎮。往事悲離
喪。去去人代非。心旌日搖漾。

江行

壯志凌秋發。歸心傍晚濃。遠天浮客夢。小雨靜山容。白鳥微
微下。丹林往往逢。不愁霜露早。弭櫂采芙蓉。

靜海寺

古寺盤崖上。雄關帶郭斜。雲泉瀉山淥。風柳掃江沙。佛劫經
寒火。鄉心入暮鴉。迴看天闕路。一半上明霞。

白沙洲

沙白蓼花殷。烟波去去閒。澄沙一行鴈。柔櫓幾重山。廟鼓催霜急。城烏帶雨還。屯田今不見。楊柳若爲攀。

西津舟夜

已返崇川棹。仍爲曲水游。大江低去鴈。小雪過揚州。涉世初知誤。聞歌轉欲愁。不須歸載石。詩卷壓扁舟。

崇川謠

朝發黃泥山。暮宿白蒲水。挽郎郎不住。送郎三十里。地名雄雉過江飛。雌雉巢庭樹。一笑博郎歡。莫向如皋去。

悼鶯

家畜一鶯三年矣。性介而慧。不甚依人。而楚楚顧景。

通交詩存之餘

卷下

九

良晨美夕。聞吟咏聲。則引吭長鳴。宛變會意。飲餉不時。金衣繡領。飢爲塵土。愴然賦詩。

記放雕籠小閣前。背人終日語。纖纖雜花生樹。仍三月細雨。銷魂又一年。夢裏關心。虛玉彈。酒邊和淚。忽哀弦。當時未解。眞憐汝。每到高吟。一惘然。

河間

孤城背水。晝陰森。舊侶高陽不可尋。白日未消奇女氣。黃河猶見古人心。地連上谷春光斷。天入瀛州暮雨深。惆悵賢王芳躅遠。卻從何處結纓簪。

登雄縣城樓

雄關阻險鬱嶢嶢。勝侶雲中手共招。三輔河山龍脈遠。九州

塵土馬蹄驕。吳淞水色瀾芳甸。杜鶚春光上柳條。北望帝京
三百里。朗吟聲已徹丹青。
重門疊嶂鎖襟喉。趙北燕南數壯游。一夜送人過易水。三邊
寒色上征裘。雲中帆影趨遼海。樹裏湖光遶鄭州。便欲乘風
向天闕。不堪鄉夢隔煙洲。

江亭讌集詩三首逸其一

丙申夏四月四日黃樹齋鴻臚徐廉峯太史招集同人於城南江氏亭子爲展楔之會同人賦詩

皇風扇八極。英俊紛來同。巍峩神皋秀。涓流盡朝宗。城南盛
水樹。休沐來雍容。江亭矗遺溝。樓觀皎若空。太行千里來。蒼
翠浮簾櫳。沄沄井氣白。下與龍泓通。蘆芽戢淺渚。飛絮交微
通。父詩存之餘。卷下
風。豈惟樂清暇。兼用歌時雍。諸公各努力。在盛彌憂豐。職理
幸靡僾。談讌庶有終。追美觴詠儔。一暢千秋胸。

將出都門過玉河橋望瓊島口號

華島參差半翠微。新樓古栝晚依依。如何太液波千頃。也有
閒鷗任意飛。
露華如水洗仙銅。曉日光連太極紅。願化微塵上宮柳。低徊
常近鳳樓風。

平津

平津車庫感蒿萊。聞道公孫最愛才。一箇董生容不得。思量
東閣爲誰開。

阿城謠

妾理山桑絃。郎買阿城膠。將膠來續絃。問郎調未調。
阿膠何光明。光明比妾心。郎心狼溪水。那得知淺深。
郎來妾已老。妾貌魚山艸。妾心郎不識。妾化穀城石。

夜往南湖

幽人先寒潮。理榜前湖去。夜色暖澹波。繁星綴遙瀨。漁家食
夜興。微燈立風露。野鷺入門飛。涼螢緣艸度。四更蟲語疾。月
出東溪樹。望遠忽無垠。觀空了可悟。不見同懷人。誰與契幽
素。

寒夜

肅肅動寒吹。兀兀憎孤影。憂來如百艸。忽焉滿修畛。往約已
輟踐。來惊安可屏。俛仰有形儔。百年何鼎鼎。常恐精氣積。蒲
壺先秋隕。瘁竹無甯聲。風廊有虛警。胡爲仰屋歎。庶幾拊膺
省。殉物喪其和。往哲將見哂。

過郡城老子祠

耿耿老子祠。仙山長青春。當時祠下水。雙炤傷心人。人今竟
安歸。流水渺無津。蕭條水芝華。狼籍敲枯根。根枯委深泥。花
落隨飛塵。擾擾九衢間。誰爲心所親。寄辭後來者。燕婉及良
辰。

西城

西城高極天。下有纍纍墳。及爾同歡娛。弔彼千載魂。顧謂百
齡間。日日傾金尊。昔墳尚嵯嶢。昔歡今已陳。安知榛莽中。不
有同心人。高城日摧頽。何況風露身。返駕顧我僕。縱橫淚沾

市
出東門行

出東門卻入西門還復來念君遠行寒無衣黃沙著人如烟
煤君有行誰遣之黃與綠女所治黑與白君當知車有輪馬
有蹄高者陵下者池君所歷妾所思白日光西南馳妾無依
但空閨閉荒城鳥雀啼城中人一是非面目殊心可知不怨
君當怨誰

顧橫波小像

彥回須髯如有神眉嬾風貌真天人遭時變化生風雲魚軒
綵翟江南春江南朱樓綠水濱清歌一曲花氤氳雲窗霧閣
天黃昏紅燈促騎來逡巡歸報相公公勿嗔丈夫能死死甲
申夫人樂矣不憂君

通文詩存之餘

卷下

十一

得徐子容少府書卽送其之官浙西

十五早從戎崑崙月窟東洗刀青海水鳴鐃雪山風衰白功
名薄關河道路窮好爲五湖長亦勝一漁翁

西北風沙地東南雲海間一官如許大作吏幾人閒舊績三
關戍新詩兩浙山因君憶茗雪何日載雙鬢

梅花長卷

元章墨梅天下絕

本朝作者晴江翁百年好手出荒古巢

湖吾師風骨同

謂楊體之先生

我年十三侍師側束書不觀時弄筆

大梁風雨海門秋十載不見空消息當時海內推神君老屋

今卧江之濱青年弟子霜生鬢寂寞秋齋畫東雲

又題一絕

乍向客中見。旋疑夢裏看。憑人端相久。扶影近闌干。

戊戌四月同潘四農湯海秋張亨甫姚梅伯游小有餘

芳亭子卽席用梅伯韻

城南一小榭。清流繞其下。出郭展遐眺。始覺紅塵假。青
天捲片雨。西山酒中瀉。浮靄觸隆景。百態煥丹赭。海內幾
酒人。風流被壇社。雲雷鬱未成。壯色入杯竽。當筵劃長
嘯。逝將適窮野。萬籟一孤竽。九州紛去馬。諸公各努力。
厲精復駸雅。茫茫人代速。落落賞音寡。

尺五山莊

林芳去不歸。春塘點微雨。迴風掩菰蘆。萬綠散平楚。不
知誰

通文詩存之餘

卷下

三

氏園遺規入荒圃。甕窖昔疏鑿。雲霞滿窗戶。纏綿子孫謀。青
山與終古。安知百年後。爾我已賓主。登高望京闕。浮雲萬飛
羽。寂莫吾何依。言歸卧江渚。

趙北口次亨父韻

萬派東趨海。三關北擁塵。風煙盤戰地。雲水澹歸人。市酒澆
愁劇。漁謳入夢眞。如何折楊柳。並馬一沾巾。

在平逆旅同四農次亨父留別韻時亨父將游襄漢余

與四農歸江南

南下穀城道。西趨衛水流。青天好明月。送爾武昌樓。海色歸
雙鶴。江風下一鷗。他年屠狗伴。應憶入燕游。

苦雨得晴月色清美卽事有作

稠疊三旬雨。高涼一夕風。明蟾纔半戶。流響已疏桐。枕簟莓
苔外。欄干絡緯中。清光吾曠汝。簾隙去怱怱。

題顧茂才水榭圖

榭爲吳匏庵故第

尙書風流去不返。祇餘水樹湛孤清。座中佳士與秋遠。湖上好山如畫明。風起萼羹思去櫂。月高饒吹有邊聲。滄浪亭畔行營地。說與依依魚鳥情。

時大兵駐蘇州

使君來

兒走呼爺爺語兒。侯官使君今日來。赦書如風行萬里。還公節鉞徵公起。一日數驚萬口傳。城中傾城市罷市。使君不來海水立。夷人仰天手加額。

題大雪防警圖

通文詩存之餘

卷下

十四

大洋天黑波皚皚。火輪滿地夷船來。千帆斂岸百邨閉。銀濤鐵馬聲喧豨。虎蹲之山不復守。游魂已渡雙溪口。列郡防兵三萬人。坐甲彎弓敵何有。浙東雪花大如席。一夜千山萬山白。軍門盛怒橫刀出。萬馬搏風一馬立。小舟江上氣隱如。軍門下馬神色殊。猩猩之璫紫貂襦。孔翠搖風珊瑚珠。此時忠勇須眉上。鐵面寒空稟相向。玉樓銀海光動搖。毒虺長鯨氣凋喪。將軍七十已歸田。詔起海上清烽烟。試將一卷平戎策。補入千秋金鑑篇。

病仙謠

玉斧削雲雲有聲。蟾蜍墮地爲幽人。桂宮飄香月瀾瀾。淚滴銀河一瓢水。織衣曳霧九霞光。玉骨一把如雲涼。烹霜炮露

不能飽。仙病細與秋風長。玉京瑤章三萬卷。欹枕琳宮看一
編。眼昏星細不明。牀角唵聲答銀箭。

古怨歌七章

訣絕復訣絕。君如出山泉。我如辭林葉。出山泉不歸。辭柯之
葉繞故枝。北風吹不南。東風吹不西。迴黃轉綠知何時。化爲
根下泥。

拔劍起四顧。報仇殺人男。兒事銳頭小子沙。叱利我欲南行
見。要離要離含笑鑷白髭。黃衫黃衫爾何爲。敗乃公事知不
知。

贈我攢紗簇錦之鞞囊。報君背几交螭之玉珮。將囊繫珮還
寄君。兩物同心復同意。一朝珮去囊不歸。囊中有淚化爲落
通父詩存之餘 卷下

五

化爲落慎勿摧燒之。此物是君初見時。

贈我桃絲千縷之聚扇。畫爲梅花百尺之高樓。樓中之人花
一色翠蛾銀海涵。清秋藏之匣笥中。蠹蝕花濛濛。此花之落
非從風空留。高樓誰與同。

湘紉剪水秋蘭枝。一枝一裊如春絲。斜行小艸眞珠琲。銀絲
玉印紅參差。不忍見之生塵埃。雄蜂蛺蝶偷眼窺。種之當門
爾何爲。

金刀翦爪爪痕薄。墮地春蔥淚雙落。飛龍出骨不值錢。寄向
麻姑背上著。蓬萊水淺船風迴。歸來嚙指血淋漓。愁雲怨雨
徒爾爲。白雞赤犬升天飛。

江水東北流。淮水東南注。中有三十六鱗之鯉魚。一年來一

度牛渚老妖學人語拔宅移家向西去枯魚渡河淚如雨
送稼軒之潤州

楚鶯歌不歇吳蠶亦已稠出門茂陰合子爲千里游我養林
下痾敢謂子且休春江富潮水舟檣涵輕柔聽鐘廣陵郭落
帆芙蓉樓頗聞京口雄層城填清謳願見士女嬉復洗烽烟
愁海門盛風竹得似當時幽奇文鑱絕壁斯人悲荒邱江山
駐光景登臨非寫憂勸游早歸卧庶爲百歲謀

贈邵黃二子

我衰旣懶拙始覺人事乖出門厭車馬何况塵與埃所慰蓬
蒿中日與數子偕春去夏已至林芳委蒼苔日勸榮落理艸
木非吾儕二子夫何求得非爲我來濁醪沾近市口腹亦易
通父詩存之餘卷下

去

諧勿語城市人供客何有哉

陰陽轉大鑪馮生何囂囂昔時澗底松今爲山上苗寘身豈
不峻直節成柔條而我堦前竹日夕望干霄子去今幾年美
箭仍寂寥有時弄清影亦復感蕭騷豫章生七年衆木同天
翹匠石棄不顧甘與秋艸凋

湖上大雪

銀瓶凍金井積雪孤城暮洪湖三百里中有釣魚處

宿遷題項王廟

風起雲揚畫角哀河聲猶似拔山迴如何斷岸荒蘆外有地
能容蓋世才

荏平雨夜

結客河橋倚醉回。明妝樺燭聚成圍。不知簾外春雷響。祇作
弦中霹靂飛。

城鼓統如起暮鴉。衝泥門外有行車。更燒列炬千枝火。照取
高鬟一尺花。

入右安門晚宿蓮花寺贈稼軒

早作褰簾望。青林夾道斜。佳人在城闕。僧舍入流霞。久別緒
如雨。重來鬢有華。十年離京國。吾特就蓮花。

丁未禮部試院遇湖南張孝廉

開霽

南宮五千人。三試氣彌厲。胡牀踞西日。浩歌異人至。劇談目
巖電。短後聳精銳。足下豪豬韡。戰血澀凝滯。當時幕府材。縱
橫並一世。諸將儒雅姿。機宜委中制。君時擁戈出。飲虹瞥然
逝。語及泥城戰。汎瀾滿膺淚。此來夫何爲。命世需文字。煌煌
大廷策。精感動天意。朝論亟儲胥。東南苦凋敝。必若固本
根。慎毋鑿元氣。十年就京國。萬事可淡喟。車馬滿城南。從君
駐游騎。

道出東阿汪明府送酒肴紀綱扞衛感德懷舊斐然有

作

驅馬大清河。遙青落吾手。山田刻劃狀。崖谷斷杵臼。靈雨熹
微陽。野潤散諸有。戎戎徑寸苗。氣與坤軸厚。微茫遠嶺搖。搗
曳縣門柳。賢宰馳騎來。頃刻羅尊卣。苦辭腳疾嬰。周道失趨
走。沾漑及蕉萃。此誼缺已久。夜深列炬出。光耀炳林藪。未免
伏莽戎。失笑癩儒醜。做篋復誰舐。饑腸寔賴酒。飲德吾敢忘。

歸詫山中叟

宛州道中書所見

織翠錦幃輸。飛角垂流蘇。湘紋密魚須。中坐天人姝。天人年
幾何。十五裁有餘。雖然十五餘。作使百餘夫。健足二八人。流
汗肩夏摩。材官爲後隊。長鬣爲前驅。雙鬢啟簾帷。跪進瑤漿
酥。天人色不愉。勸進三踟蹰。窈窕道旁女。薄妝無粉朱。拾穗
不盈筐。坐觀天人姝。日暮蓬門歸。愁髮何能梳。人生有貴賤
。美好徒區區。

山高高

山何高。竊以深水何淫淫。波淪困沈蒼。落羸癩一萬古。白日
不照青楓林。人間猿鶴有時飛。不到何况車馬班。班來好音
通。父詩存之餘。卷下。大
鳳笙龍管自太廟。天風落葉愁人心。戴夫子囊君琴南山之
南北。山北雪夜往往來。相尋不忍奏此曲。冷浪沾衣襟。山何
高高水何深。秋墳之鬼來孤吟。

堂前燕

涎涎堂前燕。十年一相見。君昔年未衰。賤妾亦是青春時。入
君門上君堂。君堂一何高。黃金爲卮白玉爲房。流光炫采不
可以逼視。翩然一墜游。大荒思君那能已。尋君千山與萬水。
蘭湯爲君沐。寶瑟爲君理。媒人致吉語。謂當可君意。妾顏雖
改。蘭質存君今老矣。雙瞳昏望不見心。氤氳生世何不諧。十
年一度重逢君。

拉糧船

拉糧船聲何哀三月渡揚子四月渡長淮行人共說拉船苦
誰傳此聲中都女中都女兒年十五能以么絃作人語嘔呀
咿嘸聲不停一聲高空入青冥千聲百聲轉相續十萬檣烏
尾撲速中都女汝傳此聲來何方不南不北音悠揚紅白繡
鞵尺半長三年辭家別爺孃獨柳樹邊秋雨暗倭瓜淀裏湖
風涼嗟爾拉船人酸嘶何時已君不見今年糧艘行復止騰
月黃河凍連底船夫無袴丁無米官敲吏扑寂無聲十里清
江夜如水

題葉觀察橋西老屋圖

鳳城烟樹去駸駸越水吳山次第尋長記停車斜日下朱門

風細一蟬吟

通文詩存之餘 卷下

九

庚申九月書感

北極天傾側東溟氣沸騰烟塵侵御宿風雨暗觚棧諸道
勤王少雄藩羽衛能漠南秋色遠紅日塞垣升

紫禁稀宮漏黃圖擁賊壕六宮隨玉輦萬騎出神臬太弟
專征貴元功夾輔高金湯無恙在祇恐聖躬勞

和戰經三載居行半六卿妖氛纏析木賊火散昆明荒服還
交禮王人許泣盟一家中外共鐘簷忍重驚

江介仍殘孽淮堧故戰場鼠身衣百結望闕淚千行七聖迷
襄野三年困鬼方長城俾勿壞早晚啟汾陽

避地東歸舊宅示諸子姪兼東親友

不爲驚烽火何由返舊邱花殘春水宅書亂夕陽樓別舍仍

歸燕荒池不下鷗。所親問戎馬。屈指淚長流。

全家車一乘。百里舍三遷。賊勢迴殘雨。鄉團聚晚烟。望門愁
倉猝。蒙袂強周旋。歌哭平生地。今宵乍穩眠。

門戶何曾識。兒童已一家。淚痕方寂寞。笑語忽喧嘩。傍榻安
書帙。挑鐙拂劍花。傳烽天外遠。猶映小窗紗。

舍北雙槐樹。陰連一畝餘。所悲分植久。莫忘結根初。接葉巢
烏暗。流膠上蟻徐。行人仍指點。十里靄吾廬。

北海孫賓石

孫文學

西涼馬少游

馬上舍

鬢華衰共認。酒熟夜相

求。野騎花塍遠。春燈竹嶼幽。因君訪世事。或恐過田疇。

淮麥垂垂白。江梅冉冉黃。謹聲民築壘。急鼓縣徵糧。祇益驚
雞犬。長愁挹酒漿。桃花紅已過。絕境永茫茫。

通文詩存之餘

卷下

二

17. 30

4

